

Ұлытау облысының Қоғамдық кеңесінің кезекті отыр

ХАТТАМАСЫ № 6

Жезқазған қ.

14.02.2024

15 . 00

Облыстың Қоғамдық кеңесінің Ұлытау облысы басқармаларының 2023 жылға атқарылған жұмыс барыстары мен 2024 жылға қойған мақсаттарын тыңдауға арналған отырысы онлайн және офлайн форматта өтті. Отырысты облыстың қоғамдық кеңесінің төрағасы **Б. Бегенов** ашып, жүргізді.

Отырысқа кеңес мүшелері: **А. Ахмет, М. Сейдахметов, А. Әбжаппаров, А. Токишова, Д. Изтолеуов, М. А.Қайыпбеков, М.Мырзабекова, М.Сейдахметов, М.Бейсенбаев, Д.Тусупбеков, А.Такибаев, М.Бекмаганбетов, М.Атамұрат, М.Шамбулов, Ы.Қозайдаров, Е.Жунусов, В.Фомин, А.Мукеева, М.Маткенов, С.Оспанов, Н.Битенов, Д.Тулегенов, Т.Букуров, М.Оспанов;** қатысты.

Белгілі себеппен қатыспағандар: **Ш. Хамзе,**

Күн тәртібінде: Ұлытау облысының басқармалар басшыларының есебін тыңдау. Бегенов Б – Қайырлы күн әріпестер, мем.қызметкерлер. Жоспарға сай басқармалар басшыларын тыңдауды жалғастырайық. Бүгін есеп беретін:

1. *Ляззат Набиқызы Ранова Жомарт* – денсаулық сақтау басқармасының басшысы
2. *Әбусағит Түгелбайұлы Әбдікер* – ветеринария басқармасының басшысы;
3. *Боранқұл Нұртілек Мылтықбайұлы* – еңбек инспекциясы жөніндегі басқарма басшысының міндетін атқарушы

Алғашқы сөз кезегі Әбдікерде :

Әбдікер А: Эпизоотияға қарсы бекітілген 2023 жылыдың жоспары негізінде ветеринариялық препараттардың 100% көлемі облыстың аудандары мен қалаларына жеткізілді. Бүгінгі күнге дейін 9 түрлі аса қауіпті ауруларға қарсы 1 959 620 басқа профилактикалық манипуляция жүргізіліп, 4 түрлі ауруға диагностика жүргізу бағытында зертханаға 667 668 биологиялық сынамалар (қан сынамалары, патологиялық материалдар) жеткізіліп, зерттелді. 2023 жылға бекітілген диагностикалық жоспар аясында бруцеллезге 239 200 бас **ІҚМ** зерттеліп, 101 бас оң нәтиже көрсетті, зақымдануы 0,1 %. 401 200 бас - **Ұсақ мүйізді мал** зерттеліп, 4 бас оң нәтиже көрсетті, зақымдануы 0,001 %.(2 слайд) Зақымдану көрсеткіші Жаңаарқа а. – **0,1%** (яғни, 86 бас **ІҚМ** және 4 бас **ҰММ**), Жезқазған қ. – **0,00%** (4 бас), Қаражал қ. – **0,1%** (11 бас) құрады. Бруцеллезге оң нәтиже көрсеткен **ІҚМ** санитариялық жолмен және өз қажеттіліктеріне сойылды.

қажеттілігі 8. Ұлытау ауданы бойынша 15 ауылдық округтер бойынша мал сою алаңдары жоқ. Тиісті аудан әкімдерінен кәсіпкерлермен осы жұмысты ұйымдастыруға ықпалдасуға көмектесулерін сұраймын.

2023 жылы жергілікті атқарушы орган құрған ветеринариялық ұйымдарды қамтамасыз ету үшін, «Аудандық, қалалық ветеринариялық станциялары» ШЖК КМК-не қажетті құрал жабдықтармен қамтамасыз етілді, оның ішінде:

- 36 дана тоңазытқыш,
- 2 дана инсенератор,
- 40 дана планшет,
- 36 дана термочемодан,
- 3 дана УЗИ аппарат,
- 40 дана принтермен жабдықталған компьютерлер
- Хирургиялық жиынтық пен малды егіп емдеуге арналған құралдар.
- 8 дана «УАЗ патриот» автокөлігі.

Облыс аумағында үй жануарларына арналған баспаналардың, уақытша ұстау пункттерінің болмауына байланысты қоғам қауіпсіздігін қамтамасыз ету мақсатында аулау қызметі қаңғыбас жануарларды аулау және жою жұмыстарын жүргізді. 2023 жылы халықтан түскен өтініштердің негізінде облыс аумағында 2830 бас қаңғыбас жануарлар ауланып, эвтаназия әдісімен жойылды. Биылғы жылы 355 бас ит ауланып жойылды. 2024 жылға облыста жануарлардың аса қауіпті ауруларының профилактикасы және диагностикасы бойынша ветеринариялық іс-шаралар жоспары бекітілді. Жалпы саладағы атқарылып жатқан жұмыстар басқарманың бақылауында.

ТОЛЫҚ БАЯНДАМА ТІРКЕЛГЕН.

Бегенов Б -рахмет! Сұраққа көшейік.

Тулегенов Д – Ветеринарлардың жағдайы қалай? Мамандар жеткілікті ма?

Әбдікер Ә- Жоқ, мамандар жетіспейді. Жалпы қолдарына алатын ақша 300 000 - 360 000 теңге.

Бегенов Б – Жылқаларды чиптау керек па? Оның ақшасын кім төлейді?

Әбдікер Ә- Жалпы малдарды чиптау өкімет тарапынан қаржыландырады. Ал жылқаларды шаруа қожалықтары өздері жасау керек. Малдың санын көшіруге ветврач өзі жауап береді. Жылына бір рет отчет беру керек. Ветврач көбіне үлгермейді. Мен Мибулакта 2 пункт ашуға тапсырма бердім. Бірақ ревизия тексерге бізді ескерту айту мүмкін.

Жунусов Е – Мектеп, колледждерде ветеринария маманын насихаттайсыздар ма?

Әбдікер Ә- Жоқ. Осы іске сіздерде ат салыссаңыздар .

Абжаппаров А - Ұлытау ауданында мал ауруы анықталыпты /соқау/. Сол бойынша не айта аласыз?

Әбдікер Ә- 10 000 дәрі берілген. Алдын алуға, емдеу шараларына қаражат өкіметтен берілді.

Шамбулов М- Қаражалда қаңғыбас иттер көп. Не шара қолданасыздар?

Әбдікер Ә- ит аулайтын мекемеге тапсырыс беруге қажет.

Қайыпбеков А – Талап ауылында иттер малдарға шабуыл жасап талап жатыр. Не айтасыз? Қалада жертелелерді мекендеп алған.

Әбдікер Ә- бұл қаңғыбас иттердің жағдайының өршуіне бірден -бір себепкер халық. Асырайды, сосын бос қоя береді. Олар көбейе береді. Бір итті аулау – 5000 тг. ПИК, ЖКХ бірігіп жұмыс жасау керек.

Бейсембаев М – баяндамада 355 қаңғыбас ит ұстадық деп жатырсыздар? Оны кім санап, кім қадағалап жатыр. Сапасы төмен екені анық.

Әбдікер Ә – Біз күнделікті қанша ит аулады деп санап жатпаймыз. Бірақ мал қорында арнайы журнал бар, одан бөлек видеофиксация жасалады.

Жалпы бұны конкурентті түрде жасаса жақсы болар еді.

Оспанов М -Малзертханасын ашу керек. Бұл бағытта қандай жұмыс жасалып жатыр. байланысты толығырақ тоқталсаңыз.

Әбдікер Ә – Осы сұрақ Республика деңгейінде көтеріліп жатыр. Басқарма тарапынан тапсырыс бергенбіз. Әлі рұқсат берілмеді.

1. Бегенов Б – Жақсы. Рахмет. Сау болыңыз. Келесі баяндаушы - **Боранқұл**

Нұртілек Мылтықбайұлы – еңбек инспекциясы жөніндегі басқарма басшысының міндетін атқарушы

Боранқұл Н - Ұлытау облысының еңбек инспекциясында 2023 жылы 190 өтініш қаралды. Онда әр түрлі заң бұзушылық фактілері көрсетілген. Келіп түскен өтініштердің негізінде Басқарма тарапынан кәсіпорындар мен ұйымдарда 83 жоспардан тыс тексерулер жүргізілді. Олардың қорытындысы бойынша 66 Заң бұзушылық анықталды, оның ішінде еңбек қатынастары бойынша – 51, еңбек қауіпсіздігі бойынша 15.

2023 жылы облыс кәсіпорындарында өндіріс жағдайында 61 жазатайым оқиға орын алды. Оның ішінде – 36 адам ауыр жарақат алған, 7 адам өліммен аяқталды. Ағымдағы жылдың 1 жарты жылдығында ҚР Кәсіпкерлік Колексіне сәйкес облыстың 5 кәсіпорнында профилактикалық бақылау мен қадағалау тексерістері жүргізілетін болады.

Бүгінгі уақытта облыстың кәсіпорындары мен ұйымдарында еңбек қақтығыстарының орын алу тәуекелдерін мониторингтеу жөніндегі жұмыс тобы құрылған. Оған қала және аудан әкімшіліктері арқылы өңірлердегі ахуал бойынша ақпарат алып отырады. Топ мүшелері кесте бойынша еңбек ұжымдарымен кездесіп, ондағы туындаған сұрақтарға жауап береді.

ТОЛЫҚ БАЯНДАМА ТІРКЕЛГЕН.

Бегенов Б – кімде қандай сұрақ?

Қайыпбеков А – Мертвые души деп атайды кейбір заң бұзушылықты. Сондай жағдайлар тіркелді ма?

Боранқұл Е – Ұлытау облысында ондай жағдай тіркелмеген.

Қайыпбеков А – Жалақы көтерілу жағы қалай? Осыған байланысты шағымдар түсті ме?

Боранқұл Е – Заң бойынша 1 МЗП / бір айлық мөлшерінен/, яғни 85 000 төмен болмау керек жалақы.

Жунусов Е – Жақын арада байыту фабрикасымен медьзауытта болдыңыздар ма тексеріспен?

Боранқұл Е – Біз прокуратурамен бірлесіп жұмыс жасаймыз. Жоспарға қосам биылғы жылдың. Мысзауытқа байланысты құжаттар бар, сол туралы сіздерге жолдай алам.

Фомин О – Какие основные типы нарушения были? Какого характера?

Боранқұл Е - Я направляю вам.

Бегенов Б – Жұмыс орындарының нормалардан шектен шығуын қарайсыздар ма? Әсіресе ірі кәсіпорындарда? Мысалға фабрикамен зауыттарда?

Боранқұл Е – Жоспарлы түрде жасалған тексерістің нәтижесін сіздерге жолдаймын.

Мырзабекова М – Өндірістік кәсіпорындар басшыларымен семинар -тренингтер ұйымдастырылады ма, еңбек шиеленістерін алдын алу мақсатында оның шешу жолдары бойынша қандай жұмыс аткарылады.

Боранқұл Е- арнайы тренингтер өткен жоқ, бірақ жұмыс тобды бар.Ол мекемелермен кездесу өткізеді.

Бегенов Б- жұмыс тобына неге Қоғамдық кеңес мүшелерін кіргізбедіңіздер? Хатпен шығыңыздар ҚК-ке.

Боранқұл Е- Жаксы кіргіземіз.

Жунусов Е – Келесі тексеріс болғанда міндетті түрде мыс.зауытын қосыңыздар

Боранқұл Е – негізі прокурорлардың тексерісі бар. Солар басынан бастап аяғына дейін тексереді. Жакын арада ЖЭО / ТЭЦ/ барады.

Экологияның мамандарында қосу керек. Хатпен шығыңыздар бізге.

Бегенов Б – Жаксы рахмет. Келесі баяндамашы ранова Ляззат Нәбиқызы.

Ранова Л -Халық саны – **220 541**, Аумақтылығы – **3** қала, қала типті кент-1 және 2 аудан, Денсаулық сақтау кәсіпорындары – **37**,Денсаулық сақтау басқармасының штаттық сандық құрамы – **15** бірлік. Ұлытау облысының құрамына 3 қала, 2 ауылдық аудан және 1 қала типті кент кіреді. Жекелеген елді мекендердің облыс орталығынан қашықтығы 350 км - ден асады. Ұлытау облысының тұрғындарына медициналық көмекті 37 медицина ұйымы көрсетеді, оның ішінде 15 мемлекеттік және 22 жеке медициналық ұйымдар. Мемлекетті - жекеменшік әріптестік (МЖЭ) шеңберінде 2 нейрореабилитациялық бөлімше (ересектер, балалар), "MD Vision" жауапкершілігі шектеулі серіктестігінің офтальмологиялық орталығы және 3 диализ бөлімшесі (Жезқазған, Сәтбаев, Жана-Арка).

2023 жылы облысқа сұранысқа ие 19 маман келіп, 5 млн теңгеден көтерме төлемдер алды. Атап айтқанда,- Жезқазған қаласының облыстық көпбейінді ауруханасына-10 дәрігер (педиатр,невропатолог, 3-акушер-гинеколог, инфекционсит-дәрігер, пульмонолог дәргіер,хирург, УЗИ,оториноларинголог);-Жаңаарқа ауданының көпбейінді орталық аудандық ауруханасыны ауруханасына -2 дәрігер (УЗИ дәрігері, анестезиолог-реаниматолог);- Жәйрем кенітінің аруханасына –1 акушер –гинеколог дәрігері;- Облыстық фтизиопульманология орталығына - 3 фтизиатр дәрігері, 1-бактериолог дәрігер;-Жезқазған қаласының емханасыны-1 педиатр дәрігер;Қаражал қаласының ауруханасына - 1 анестезиолог-реаниматолог дәрігері.

Аталған мамандар келісім-шарт негізінде кем дегенде 5 жыл біздің медицина ұйымдарында жұмыс атқарады.

ТОЛЫҚ БАЯНДАМА ТІРКЕЛГЕН .

Бегенов Б -Сұрақтарға көшейік.

Қайыпбеков А – ОСМС-ты ЖШСлар кейде уакытылы төлей алмайды. Ұсыныс ретінде кешіктіріп төлесек?

Ранова Л – ОСМС біздің шығарған затымыз емес. Тәртіп солай, ол біздің құзырымыздағы шаруа емес.

Қайыпбеков А – Дәрі дәрмектердің сапасын кім қадағалайды?

Ранова Л- Фармакологиялық комитет.

Қозайдаров Ы – Ана мен баланың денсаулығына қандай мән бересіздер? Ауратын балалар көп туылып жатыр.

Ранова Л – Біз аутизммен ауыратын балаларға арнайы жағдай жасағымыз келеді. Әзірше бос нысандар жоқ. 50 аса балалар бар осы ауруға шалдыққан. Экологияның әсері бар ма, жоқ па айта алмаймын. Оны шешетін комиссия, кәзіргі таңда жұмыс жасап жатыр, қорытындысын шығарған жоқ әлі.

Жунусов Е – балаларды қарайтын эндокринолог жоқ.

Ранова Л – 3 маман іздеп жатырмыз аламыз.

Мукеева А – ОДО -а неге тегін дәрі -дәрмек бермейді?

Ранова Л – ол тапсырыстарға байланысты. Қараша айында желтоқсандыкі, желтоқсанда қантардың дәрілері келген.

Оспанов М – Ұлытауда аурухана салынып жатыр, соған мамандарды қайдан аласыздар?

Ранова Л - Бұл сұрақ назарымызда. Пәтер, подъемный берсе келеді. Бізге телемедицина мамандары келіп солармен кездесу өткіздік. Сонымен қатар 9 этаж ауруханасында МРТ аппараты жұмыс істемейді. Соған көп қаражат керек. Қоғамдық кеңес мүшелерін қолдауды сұраймын.

Бегенов Б – Сұрақтарыңыз болмаса отырысты аяқтайық.
Әріптестер! Баяндамашыларға жұмысына баға беруге кірісейік.


Кім қолдайды? - 25 Кім қарсы?- 0 Қалыс қалған? – 0

ШЕШІМ:

1. Денсаулық сақтау, ветеринария, еңбек инспекциясы жөніндегі басқармалардың 2023 жылы атқарылған жұмыстарын қанағаттанарлық деп танылды.
2. Еңбек инспекциясы арнайы жұмыс тобына ҚК мүшелерінің қатарынан бір азаматты кіргізсін.
3. Денсаулық басқармасына МРТ аппаратын сатып алуға қаражат бөлінгенде қолдау көрсетілсін.


Құрметті әріптестер! Отырыс аяқталды. . Келесі кездескенше.

**Ұлытау облысының Қоғамдық
Кеңесінің төрағасы**



Б.Бегенов

Хатшы



С.Оңғарбаева